

man schreibt von christ gepurt Tausent funffhundert vñ drey
 Do sy all drey zusammen kōmen im Krebs vnd kurtzlich darvor/
 mercurien der mit Jupiter vber den christenglauben herst einē
 ietlichen drey fart zugefugt wirt vnd wirt die zeit erscheinē ein
 erschrecklicher Comet der den leib vō saturno vñ den schwantz
 von Mars enpfecht darauff er alle Bosheit heimlich vñ offen/
 bar Bezeichnet vñ groß blutvergiffen/ also das die außzuney/
 gung des selben gestirns allen menschen von allen stendē iung
 vnd alt naturlich geneygt zumergiessung des menschliche bluts
 bezaigt/ auch sollich zerstörung der gesetz der lād vñ dem reich
 vnd ein gros beklemung/ vertruckung vñ zustörung der heyligē
 christenlichen kirchen vnd wirt erfult der spruch vnser seligma
 chers. Wee euch schwangern vñ aber eins. dan werdē betrüpt
 nus der gleichen mer ist geschehen von anbegin wan die einfel
 tigen vereynigung der genannten dreyer planetē etwan vor chri
 sti gepurt in einē angesicht/ vñ ende des hymels nicht vil vber
 xxx. tag bezeigt vnd wurcket zerstörung der gesetz vnd der landt
 durch groß blut vergiessung dy do geschach vor Christi gepurt
 do man zalt M. ccccc. vñ drey offenbar/ das der war anticrist
 wirt in seiner eygē person od sunst nymer zu ewiger zeit kunftig
C Um zu kumen auff sein anfang vñnd gepurt/ hab ich ver/
 merckt den grossen Cometen der erschin do man zalt M. cccc
 lxxij. Im hornung vnd windt/ das der selb gemacht vō venus
 vnd mars/ darauff er vnuerschembt offentlich vntzucht vnd vn
 reinigkeit in allen stenden baiden geschlecht der menschen/ der
 man vñ der weiber gebracht hat vnd zorniger gemüt der leut
 wider einander. nemlich derselbigen dy irer synnigkeit nachfol
 gen auch blutvergiffung vnd der selbige Comet aus seiner vn
 steten bewegung. domit er den schwantz gen aller welt gekert
 wirt zersterung gar vil reich alls ietz geschehen in das arg zwī
 schen man vñ weiben vñ antzaiget das der geporen wer der
 die alten gesetz zerstören solt. vnd new gesetz aufspringen. vñ al
 so nach der weissagung David entpundē sein. das der do were
 ein haubt aller vnreinigūg vnd heffertigkeit. der do zersteren
 wirt alle reich. Wen man do zelet von den selbigen iaren. M.
 cccc. lxxij. Bis auff M. ccccc. vnd iij. findt man xxx. iar. in wel

Chem alter er anheben sol zu regirē wie vor geschriben ist. Wie wol ich weysß das wenig allein die do sein die got fürchtē vnd die verstendigen meiner diser geschriffte glauben geben.

Zum ersten dss yn xx. iarn am zu heben
im sechundachtzigisten iaren kein gutte pollycey oder regiment der christenheyt sich zu versehen ist. Sunder nach Esaie spruch Wirt das kind wider die elteren streben.

Zum anderen setz ich das gleicherweys
wie in der zukunfft des schopffers vnser herri iesu christi alle element frölochten vomm den die yn ir narung frolichen gaben im ertrich ertzeygt sich solchs durch vermynderung der frucht Der drit angst schwerē krankheit des leibs fiber pestilentz hunger vnd theurüg. Darumb spricht Gregorius vber Job in seinē stetlichen puch am xxv. der do lest regirē einē geleisner vñ die sundt des volcks in dem das er spricht. Der do lest regirē einen gleyßner/ uag verstanden werden aller gleyßner haubt der antichrist/ wann an zweyffel der selbig versurer wirt zeitlich soldē auff das das er die leut zu possheit zeucht. Wann an zweyffel wil die zeyt sein werden die vntter der gestalt der heyligkeyt ir possheit verpergen vnd wollen am leben dar fur gehalten sein das sie doch am wercken nit berweysen.

Zum dritten mal setz ich das nach ym sechßundachtzigsten pyß so lang man zelt tausent funff hundert vnd sechß alle iare etwas mercklichß vnd groß geschehen sol. Das also dan bezeychet ist an dem keyser vnd Romischen König.

Zum vierden setz ich nicht aus meinen haubt sunder auß ob bewerten geschriffte das yn dem neutzigsten iar sich erheben sol groß vßfolgüg der christēheit die doch im xciiij. iar am mercklichsten erzeygē wirt. Wan die zeit wirt der ander Comet als ein citation vnd ruffung oder heysung aller menschen zu gottes gericht auff das. das sie sich fürchten vnd ir leben pesserer Dann erwacht her omnes das ist das gemein volck wider den adel vnd vertreibt den selben an vill orten vñnd geschicht ein groß vernewigkeyt in der christenheit wan so vill ich vermerk wirt die selbigenzeit sich flechten die falsche lere das antichrist

94

vntter der gestalt der warheit. So man schreibet tausent vier
hundert vnd sechshundnewntzig werden die leyen vertreyben
die munch vnd die pfaffen vnd wirt zustoeret aller rat vñ wey
set vnd sich von tag zu tag meren die teroffelische lere des anti
christ vnd das gemein volck wirt regirē also lang zelt tausent
funffhundert vñ drey. Dann wirt kumen der antichrist ein
haupt aller possheit. Vnd wirt regirē vber all geittige vnkeusch
vnd hoffertige menschen. die vmb ir sundt den ewigen todt zu
geordent sind. Vnd mit dem wirt der dryt schricklich Comet
kumen als ein entliche ruffung zu dem gericht gottes. Aber der
almchtig got auß seyner vnaussprechlicher barmhertzigkeyt
eylet nit zu felen das vrteyl zu verdampnuß/ sunder allein zu
seligkeit/ wiewol er darnach dy langsamigkeit vergleicht mit
der herbigkeit/ so man auß der puß gefunden wirt. Darumb v
mant er abermals die menschen zu erkennen vnd peichten ire
sundt vnd erzeigt abermals ein Cometen so man zelt tausent
funffhundert vnd sechs. Auff das das sich yderman huet vor
dem gestrengen vnwiderruslichen vrteyl. das da geen wirt vber
den antichrist vñ allen seinen anhegen der die selbig zeit ist
im tausent hundert vnd sechs ersterben wirt auß der krost got
tes vñ was seiner dyner vber pleiben werden kurtzlich dar
nach sterben durch hunger vnd pestilentz vñ vngewitter vber
die gantze welt nach dez spruch Ezechielis am xxvij. Ich will
vrteylen in hunger vnd im plut vnd vngewitter. Also werden
den allein vber pleyben die außserwelten als Dauid geweyssagt
hat vnd die selbigen nach dem heyligen ewangelio werden ha
ben ein gutten hirten vñ ein schofftal. Vnd als Paulus spricht
werden den in der gantzen welt vil hayden zu christen werde
vnd alle menschen die do glauben sein mit gefromten gelaubē
das ist mit der lieb gottes. So wirt aller erst war die weysa
gung des propheten Ysaie als er spricht. Es wirt kein mensch
sein schwert wider den andern setzen. sunder die schwert wer
den zu pflug scharen geschmidt. vnd die spys zu siechelen. Also
spricht Dauid ym funffundwirtzigsten psalmen. Kumpt vnd
secht die weg gottes die wunder zeichen auff der welt das ver
stort die krieg pyß an das endt der welt zu krost die armpuß

vnd die waffen vnd schilde ym ferer vnd folgt im psalm.
Kumpt ir hoffertigen vnd sehet an wie der antichrist wirt er-
hort als got in der gantzen welt vnd wirt den das geschriben
stet. Die letzten tayll der tauoben warm goldtfarb. Das ist die
christenlich kirch wirt warhafftig in des lieb gottes mit sampt
dem ewigen leben. Do wirt vermerckt dy groß pößheit des ver-
storbe antichrist der alle zwitteracht gemacht hat. Als spricht
Augustinus in ix. puch am xxxix. von der stat gottes am xxi. ca-
pitel. Es spricht Ezechiel. Ich wil mein schwert setzen vor
mein volck das sy erkennē das vrtel das ich geben hab. Das ist
so vill alle menschen die do vber pleyben werden erkennē den
grossen gewalt gottes das er sich sundlich beschirmet hat auff
den selben tag. Vnd hinfur wirt die christenlich kirch kein an-
fechtung haben. pyß so lang das alle essen vnd trinckē vnd im
fröligkeit sich sicher vermeinen. So wirt dan der herx kumen
vnd die selbigen von hymē nemen als Beda spricht. Aber die
selbigen zeyt ist nymantzs allein der heyligē triualtigkeyt wyß-
lich. Aber werlich was von gottes wegen zukunfftig muß auff
ein zeit kumen. Dar vmb soll yderman gewart sein was man
auch wie die redt arguirt wider des mein gesetz vnd krafft ist
sein genugsam micklich auff gelöst yn ein püchlein von xij. po-
gen papyrs das ich durch die hilff gotz vnd beystandt der
Junctfrawen marie hyer vber gemacht hab fur einē gemeinē
nutz der allen dingen vor gezogen soll werden wan es schreibe
Arestotiles von der vnvorsichtigkeit des Königs Alexander vñ
spricht. Es sey seer nütz kunfftige ding zu wissen wā also gedult
man des dester leichtglicher vnd meydet es dester pesser. Es
mugen auch die menschen got den almechtigen anruffen mit
gepet andach vasten almosen geben vnd vil andre gutte werck
daraus sye versehen ist got werd sein zorn von yn wenden zu
vermeyden das sich sie furchten mit ertzeygung barmhertzig-
keit. Das hab ich geschriben auß der obgemelten schrift vñ
astronomey fleysiglich von ewer ir Begeren wolt mit des ewer
gut gedencen vnd maynüg zu teillen wider vmb den almech-
tigen got seiner heyligen mütter vñ dem gantzen hymellischen
here zu lob vñ preys vnd ere nun vñ zu ewigen zeytten Amen

Summa summarum huius libri

So man zelt nach christi vnfers herren gepurt. M. CCC. vnd lxxij. Do ist der antichrist geporn vnd das erst zeychē vnd erscheynung durch einē Cometen erschynnē zu der selbigē zeyt

So man zalt. M. CCC. vnd xc. iar wirt vill widerwertigkēyt in der Christenheyt.

So man zalt M. CCC. vnd xciiij. iar wirt die ander hey- schung durch eynen Cometen vnd an vill enden verfolgung des adels.

So man zalt M. CCC. vnd xcvi. iar wirt vertribē die prie- sterschaft vñ her omnes. das ist das gemein volck wirt regirē

So man zalt M. CCC. vnd iij. iar wirt die dritten hey- schung vñ Comet yn welchem iar der antichrist wirt regiren.

So man zalt M. CCC. vnd vi. iar wirt ein Comet vnd vrteyl gegeben vber den antichrist vnd seiner gesellschaft vnd darnach werden pleyben allein die frumen außewelten vñ wirt ein hirt. vnd ein schoffstall. Vnd hin fur wirt di Christen- heyt kein anfechtung mer haben Amen

